

ALL INDIA RADIO
RNU : KOLKATA
BENGALI TEXT BULLETIN

TIME – 12.50 PM

DATE – 17-07-17

১) দেশের পরবর্তী রাষ্ট্রপতি নির্বাচনের জন্য আজ ভোটগ্রহণ চলছে। এন ডি এ প্রার্থী রামনাথ কোবিন্দ ও বিরোধী জোটের প্রার্থী মীরা কুমারের মধ্যে সরাসরি প্রতিদ্বন্দ্বিতা হবে।

রাজ্য বিধানসভা ভবনে এই ভোটগ্রহণের জন্য বিশেষ ব্যস্থা নেওয়া হয়েছে।

২) সংসদের বাদল অধিবেশনের প্রথম দিনে উভয়কক্ষ দিনের মতো মূলতুবি হয়ে গেছে।

৩) পণ্য ও পরিষেবা কর পরিষদ, আজ এক বৈঠকে পরিস্থিতি খতিয়ে দেখছে।

৪) রাজ্যের সাতটি পুরসভা নির্বাচনে আজ বিজ্ঞপ্তি জারি হচ্ছে।

৫) রামকৃষ্ণ মঠ ও মিশনের নতুন অধ্যক্ষ স্বামী স্মরণানন্দ।

৬) আটবার উইম্বলডন খেতাব জিতে রজার ফেডেরার ইতিহাস সৃষ্টি করেছেন।

দেশের পরবর্তী রাষ্ট্রপতি নির্বাচনের জন্য ভোট গ্রহণ শুরু হয়েছে । সারা দেশের বিভিন্ন রাজ্য বিধানসভা এবং সংসদে বিধায়ক ও সাংসদরা এই ভোটগ্রহণ প্রক্রিয়ায় অংশ নিচ্ছেন । প্রধানমন্ত্রী নরেন্দ্র মোদী, বি জে পি-র সর্বভারতীয় সভাপতি অমিত শাহ্ সহ বি জে পি-র শীর্ষ স্থানীয় নেতারা ভোট দিয়েছেন । কলকাতা, লক্ষ্ণৌ, আমেদাবাদ সহ সর্বত্র ভোট প্রক্রিয়া চলছে । বিকেল পাঁচটা পর্যন্ত ভোটগ্রহণ চলবে ।

আগামী বৃহস্পতিবার ২০-শে জুলাই হবে ভোটগণনা । বর্তমান রাষ্ট্রপতি প্রণব মুখোপাধ্যায়ের কার্যকালের মেয়াদ শেষ হচ্ছে ২৪-শে জুলাই । ওইদিনই নবনির্বাচিত রাষ্ট্রপতি শপথ নেবেন ।

সংসদের উভয়কক্ষের ৭৭৬ জন সাংসদ এবং চারহাজার ১২০ জন বিধায়ক মিলে আজ ভোট দেবেন ৪ হাজার ৮৯৬ জন । সংসদ এবং রাজ্য বিধানসভাগুলিতে ভোটগ্রহণের জন্য বিশেষ ব্যবস্থা করা হয়েছে ।

পশ্চিমবঙ্গ বিধানসভায় কড়া নিরাপত্তার মধ্যে দিয়ে ভোটগ্রহণ চলছে । ভোটপর্ব শেষ হবার পর ব্যালট বাক্সগুলি সীল করে কড়া নিরাপত্তায় স্ট্রংরুমে রাখা হবে। আগামীকাল সকালে ২ জন এ.আর.ও. ব্যালট বাক্স নিয়ে দিল্লি রওনা হবেন। এই নির্বাচনকে ঘিরে বিধানসভা ভবনে নিরাপত্তা আঁটোসাঁটো করা হয়েছে। পরিচয়পত্র ছাড়া কাউকে ভোটকেন্দ্রে ঢুকতে দেওয়া হচ্ছে না।

কমিশন নিযুক্ত পর্যবেক্ষক লীনা নন্দন গতকাল বিধানসভা ভবনে গিয়ে নিরাপত্তা ব্যবস্থা খতিয়ে দেখেন।

বি জে পি, উপরাষ্ট্রপতি নির্বাচনে আজ প্রার্থীর নাম ঘোষণা করবে । নতুন দিল্লিতে বি জে পি সংসদীয় দলের বৈঠকে প্রার্থীর নাম চূড়ান্ত করা হবে । বিরোধীরা ইতিমধ্যেই পশ্চিমবঙ্গের প্রাক্তন রাজ্যপাল গোপাল কৃষ্ণ গান্ধীকে প্রার্থী করার কথা ঘোষণা করেছে । আগামীকাল তিনি মনোনয়নপত্র জমা দেবেন ।

মনোনয়ন পেশের সময়সীমা কালই শেষ হচ্ছে । বুধবার তা পরীক্ষা করে দেখা হবে । প্রার্থীপদ প্রত্যাহারের শেষদিন ২১-শে জুলাই । ৫-ই আগস্ট উপরাষ্ট্রপতি পদে নির্বাচন । সেদিনই ফল ঘোষণা করা হবে । বর্তমান উপরাষ্ট্রপতি মহম্মদ হামিদ আনসারি কার্যকালের মেয়াদ শেষ হচ্ছে ১০ আগস্ট ।

সংসদের বাদল অধিবেশন আজ শুরু হয়েছে । চলবে ১১-ই আগস্ট পর্যন্ত । অমরনাথ যাত্রীদের উপর সন্ত্রাসবাদী হামলা, গোরক্ষার নামে তান্ডব এবং দার্জিলিং পরিস্থিতির মতো বিভিন্ন ইস্যুতে এই অধিবেশন উত্তাল হতে পারে ।

এদিকে, লোকসভা ও রাজ্যসভার অধিবেশন আজ দিনের মতো মুলতুবি হয়ে গেছে । গত অধিবেশন চলাকালীন যে সব

সাংসদ প্রয়াত হয়েছেন, তাদের প্রতি শ্রদ্ধা জানিয়ে অধিবেশন মূলতুবি হয়েছে ।

সংসদের বাদল অধিবেশনের প্রাক্কালে প্রধানমন্ত্রী নরেন্দ্র মোদী আজ বলেছেন, অভিল্ল কর ব্যবস্থা জি এস টি চালু হওয়ার পর সংসদের এই পর্বের অধিবেশন অত্যন্ত তাৎপর্যপূর্ণ হবে । বাদল অধিবেশনে বাক্-বিতন্ডা সদর্খক ও ফলপ্রসু হবে বলে প্রধানমন্ত্রী আশাপ্রকাশ করেন । তিনি বলেন, এবারের অধিবেশনে দেশের পরবর্তী রাষ্ট্রপতি ও উপ-রাষ্ট্রপতি নির্বাচনের মতো গুরুত্বপূর্ণ ঘটনা ঘটতে চলেছে । একই সঙ্গে এবছর ভারত স্বাধীনতার ৭০ বছর পূর্তি উদযাপন করবে ।

শ্রী মোদী বলেন, গ্রীষ্মের প্রচন্ড দাবদাহের পর যেমন বর্ষা ধরিগ্রীর বুকুে আনন্দের সঞ্চার করে তেমনই পণ্য ও পরিষ্বেবা কর ব্যবস্থা এবারের অধিবেশনে উপস্থিত সাংসদদের মধ্যে উল্লাসের সঞ্চার করবে । এবারের অধিবেশনে প্রতিটি দলের সদস্যরা উত্কৃষ্টমানের বিতর্কে অংশ নেবে বলে প্রধানমন্ত্রী আশাপ্রকাশ করেন ।

বি জে পি, সমস্ত ইস্যু নিয়ে আলোচনার জন্য প্রস্তুত বলে জানিয়েছে । অধিবেশন সুষ্ঠুভাবে চালাতে লোকসভার অধ্যক্ষ সুমিত্রা মহাজন গতকাল সর্বদলীয় বৈঠক ডাকেন । পরে সাংবাদিকদের তিনি জানান, কোনরকম ব্যাঘাত না ঘটিয়ে

অধিবেশন চলতে দেবার ব্যাপারে সকলেই আশ্বাস দিয়েছেন কৃষকদের আত্মহত্যা এবং দেশের নিরাপত্তা পরিস্থিতির মতো গুরুত্বপূর্ণ বিষয়ে সবকটি দলই আলোচনা চেয়েছে ।

দুর্গাপুর পুরনিগম সহ ৭টি পুরসভা নির্বাচনে আজ বিজ্ঞপ্তি জারি করা হচ্ছে। সেইসঙ্গে শুরু হবে মনোনয়নপত্র জমা নেবার কাজ। দুর্গাপুর ছাড়া অন্য পুরসভাগুলি হল, ধূপগুড়ি, বুনিয়াদপুর, পাঁশকুড়া, হলদিয়া, নলহাটি ও কুপার্স ক্যাম্প। ১৩ই আগস্ট এই ৭টি পুরসভা নির্বাচনের পাশাপাশি চাঁপদানি পুরসভার ১২ এবং ঝাড়গ্রামের ৭ নম্বর ওয়ার্ডের উপনির্বাচনেও ভোট নেওয়া হবে। ২৪শে জুলাই মনোনয়নপত্র জমা দেবার শেষ দিন।

প্রার্থীপদ প্রত্যাহার করা যাবে ২৭শে জুলাই পর্যন্ত। ভোট নেওয়া হবে ই.ভি.এম.-এ। ভোট গণনা ১৭ই আগস্ট।

সারা দেশে পণ্য ও পরিষেবা কর, জি এস টি চালু হওয়ার পর দু সপ্তাহ কেটে যাবার পর নতুন কর ব্যবস্থার রূপায়ন খতিয়ে দেখতে আজ নতুন দিল্লিতে জি এস টি পরিষদের বৈঠক বসছে । অর্থমন্ত্রী অরুণ জেটলির পোরোহিত্যে ভিডিও কনফারেন্সিং-এর মাধ্যমে এই বৈঠক হবে ।

এদিকে, কোনো বিশেষ পণ্য বা পরিষেবার ওপর করের পরিমাণ নির্ধারণ করার জন্য কেন্দ্র, একটি অ্যাপ চালু করেছে । যেকোনো মোবাইলে এই অ্যাপ ডাউনলোড করা যাবে ।

ব্যাঙ্ক অফিসারের ভূয়ো পরিচয় দিয়ে এ টি এম-এর পিন জেনে অর্থ তহরপের একটি বড়সড় চক্রের ৯ জনকে আসানসোল থেকে গ্রেফতার করা হয়েছে । তাদের বাড়ি ঝাড়খন্ডের জামতাড়ায় । সি আই ডি তাদের গ্রেফতার করে জানিয়েছে , আসানসোলের হীরাপুর থানার ইসমাইল এলাকায় কলসেন্টার খুলে এই প্রতারণা চক্র চালানো হত ।

বোম্বে শেয়ার বাজারের সূচক সেনসেক্স আজ আবার ৩২ হাজার ছাপিয়ে গিয়ে সর্বকালীন রেকর্ড করেছে । সকালে বাজার খোলার পর সেনসেক্স প্রায় ১১২ পয়েন্ট বেড়ে দাঁড়িয়েছে ৩২ হাজার ১৩১ দশমিক নয় দুই-তে ।

জাতীয় শেয়ার সূচক নিফটিও আজ প্রায় ৩৪ পয়েন্ট বেড়ে ৯ হাজার ৯২০ দশমিক তিন শূন্য-এ পৌঁছে নতুন রেকর্ড করেছে ।

নদীয়ার কল্যাণীতে গঙ্গার পাড় থেকে অবৈধভাবে বালি তোলার অভিযোগে পুলিশ আজ ভোর রাতে তিনজনকে গ্রেপ্তার করেছে। উদ্ধার করা হয়েছে দুটি বালি বোঝাই ডাম্পার ও একটি ছোট লরি। পুলিশ সূত্রে জানা গেছে, গঙ্গার পাড়ে অবৈধ বালি খাদান বন্ধ করতে কল্যাণী থানার পুলিশ এই অভিযান চালায়। ধৃতদের আজ কল্যাণী আদালতে তোলা হবে।

রামকৃষ্ণ মঠ ও মিশনের নতুন অধ্যক্ষ হচ্ছেন স্বামী স্মরণানন্দ । বেলুডমঠে আজ এক সাংবাদিক বৈঠকে স্বামী সুবিরানন্দ একথা ঘোষণা করেন ।

৮ বার উইম্বলডনে খেতাব জিতে রজার ফেডেরার ইতিহাস সৃষ্টি করেছেন । ৩৬ বছর বয়সে এই খেতাব জয়ের নজির ও অন্য বারও নেই । গতকাল ফাইনালে সুইস তারকা ফেডেরার ৬-৩, ৬-১, ৬-৪-এর স্ট্রেট সেটে ক্রোয়েশিয়ার মারিন সিলিচকে হারিয়ে তার ১৯-তম গ্রান্ড স্লাম খেতাব জিতে নেন ।

১৯৭৬-এ বিয়ন বর্গের পর ফেডেরারই প্রথম খেলোয়াড় যিনি গোটা উইম্বলডন টুর্নামেন্টে একটিও সেট হারেন নি ।

I H Manudev ন্যাশনাল Masters snooker tournament খেতাব জিতেছেন । চেন্নাইতে প্রাক্তন চ্যাম্পিয়ান অলোক কুমারকে । কর্ণাটকের মনুদেব ৪-১ ফ্রেমে হারিয়ে খেতাব অর্জন করেন ।
